




T3134/5062.83

16







初祭蚩蜡廟諸神文

國朝楊日升
谷神進學漢和
國書新編城藏印

維神職司護稼利民攸食自古在昔祈賽必茲矧報阜
蝨害我田穉敢不恪恭以襄祀事嗟茲黎民逢天不字
嘆其濕矣兼遭風毀二麥薄收亦既勞頓何當飛蛾又
爾盛熾螟螣蝨賊將繁厥類百穀亟活云胡可冀初聞
茲事終夜憂悖省厥由來必有所自昔聞賢守飛蝗遠
避痛某不德格天無備六事九思未克厥治五風十雨
休徵罔至爰召毒蠹群飛作崇耗斲下土傷我秋穗乖
氣生蓄外覃內燹寧丁我躬毋俾民匱尚祈神庥赫厥

靈異碩隣爲壑惟予實忌驅使出境猶慮禍肆願言殄
滅俾無遺岐庶使秋田咸保嘉穡漑溥陳詞不盡懇摯
誠禋一縷恭陳薄饋神其鑒止通靈寤寐

再祭螺羸大將軍暨蚩蜡廟諸神文

螽斯薨薨黔首愴怛爰恭明神祈誅孽蝗神不我吐信
宿別翔巡驗苗苗何遽嚙傷幸無大蓄荷神降祥詎蝗
雖遠未殄厥疆民遵舊典演劇載禳蝗飛不到村氓陽
陽迺召優工穆卜以颺用洽神歡和氣滋良閱今三日
神在洋洋載攷邑乘載集耆商僉報明末邑苦蝻殃當

事俎君設位致觴名號將軍螺羸煌煌維神居歆來格
來嘗以赫厥靈黑蜂載揚嚙蝻入土悉化蜂行三宿蝻
盡蜂亦飄亾神護茲土歷用降康頃觀隴畝復被噬戕
亦旣易種蝻不丕昌憂心如惓中夜徬徨念人曷制維
神克防禦災捍患載祀孔彰虔恭爾奠率由舊章犧牲
粢盛敬告肅莊籲諸神聖其佑此方冀我將軍亟奮勝
驥蝻乎發生立顯折殤螟螣蝨賊俾悉仆僵百穀亟活
乃求千箱席庇神庥詎敢忽忘

康熙壬子六月飛蝗蔽天爲文致祭不一二日輒颺

去然遺子實繁詢之故老述崇禎末年蝻災時俎公
設螺贏將軍神位於蚘蜡廟致祭復搜邑志亦載其
事遇災而懼靡神不宗亟循例再祭而蝻果滅書曰
至誠感神豈欺我哉因詳誌以俟後之君子有所考
焉

申詳各憲請蠲柳束文稿

國朝楊日升進士江西
新城人

看得牛市屯決口爲山東兗州府曹縣地方與東明相
距往反數百餘里頃奉 河憲檄行到 道轉行職派
脩柳枝十一萬五千束事于河工重務敢不凜遵竭蹶
趨事以應急需無奈東明九邑自罹兵燹之後又疊經
河水滄荒迹亾殆盡廬舍傾圮原野蕭條寸土皆荆棘
之區百里無盈把之木卽今哀鴻方集鳩形未甦嗟嗟
予遺蒿目腐心誠鄭圖所難繪而賈淚所不勝墮者也
適聞派買柳枝一事合邑紳衿黎庶驚悸若狂奔走如

夏國縣志 卷之八下
四三
驚痛哭流涕環聚滿堂泣稱東明地方並無蓄柳此十
餘萬束之柳枝從何措辦更值道途遙遠裝運艱難若
必責以採辦合邑士民立見有死無生矣職再三慰諭
採買柳枝一定銷筭錢糧搬運裝載自有給還腳價事
關河務未可推諉其如堅稱本縣四境柳植實稀此盈
千盈萬之數無處採買若不及早呈明卽合邑人民累
死俱不足惜恐致遲悞河工罪更不小衆口一詞哀號
不休職再四查訪本縣境內委難採買實非推諉况今
年旱虐雖不成災而正俱亦難完納以哀鴻稍集之地

方而責以盈千盈萬之柳束重以累百累千之車輛凋
敝之餘何能堪此重困職非不知河工緊要所關甚大
卽以遲悞獲罪固不足惜第身爲民牧豈可立視殘黎
苦填溝壑而隱痛壅於上聞此所以不禁大聲疾呼爲
合邑生靈請命於 憲天之前也以 憲臺素軫民瘼
久切痼瘼伏乞俯察群情迫切恩賜轉詳 總督河憲
或槩賜蠲免或速賜減派則柳束有易協之工而子遺
免逃亾之嘆億萬殘喘皆再生於 憲臺之筆端矣

又稟摺稿

高天在上有急必呼職謗劣匪材謬任殘邑待罪兩載
焦勞萬狀伏見民生之倒懸與事勢之窮蹙未有如採
買柳枝一事蓋東明地方先年兵燹之後疊遭黃水衝
淹四境盡屬汪洋草木無不蓄翳樹植最少年來士民
雖稍息喘驚怖未定卽間有裁挿廢柳寥寥無幾茲者
奉派柳稍竟有十一萬五千束之多將通縣遠邇鄉村
盡行剪伐必難足溢萬盈千之數又况水路不通無舟
可載計此十一萬五千柳枝非數千車輛不能裝運今
東明合邑鄉村車輛不上數百實難速爲神運鬼輸之

計查順治十一年間前任知縣楊素蘊亦曾奉有估計
大王廟决口工程錢糧事一案時派東明柳枝四千束
楊令魯詳免二千束查底稿有云每束通計費銀二兩
有餘通盤打筭總計得銀八千兩等語職細繹原稿以
四千束柳稍需費八千兩則奉派十一萬五千束不幾
費銀二十三萬兩乎本縣每年額徵錢糧不過二萬
三千餘兩今計所派柳稍卽以十年錢糧尙恐不敷嗟
此予遺以十餘年之額賦責令一旦完納士民之不容
不邊里催之不徧不死者勢必然也驚心駭目慘苦莫

甚此合邑紳衿里老所以同聲疾呼哀籲而奔控也職
深念億萬生靈繫茲一事且今歲旱魃肆虐止有四五
分之收成未敢冒請蠲免目今錢糧方苦追呼不前乃
忽奉此掣肘之 憲行士民側耳側目咸有相率逃入
之意職情深水火正搶地呼天之時故不禁洒淚漉血
泣懇老大人耑爲合邑請命至職他日或以奉行無狀
坐罪違悞一已功名俱不足恤但身爲民牧豈忍視其
苦痛而不以上告 憲臺軫念民瘼素切痾瘵伏乞大
施弘仁恩賜諄切痛陳地方苦楚并士民急迫情形亟
爲咨明 總督河憲俯鑒輿情轉懇豁免改派附近出
柳州縣採辦應用庶俾子遺不致填溝壑合邑生命實
憲臺再生之也

詳蒙本府周

詳

邦彬轉請蠲柳看語

看得牛市屯决口工程緊急自應凜遵但查順治十一
年間奉前任 總河部院楊 分派大名一府河柳數
止一十萬束維時分行十一州縣起運全完故易爲九
今歲開州元大南清滑濬內魏八縣秋旱爲災民不堪
命業經備詳報院彙疏入 告現今鳩形鵠面之民扶

夏陽縣志 卷之八
老携幼告賑告蠲號泣盈庭此分派之決不能行也夫以二十三萬之柳束數倍往昔責之疲敝不堪之二邑官民束手紳士咋舌况查牛市屯離東明二百里離長垣二百六十里途路遙遠車輛無出職府徒博一己之功名而民情壅於上聞義之所不敢出也仰懇憲臺軫念民艱或邀恩免派或迅賜酌減度鳩形鵠面之遺黎不致立填溝壑已爾奉 總河羅 批決工需柳甚多難以減免據詳途路遙遠車輛無出姑准先運一半餘俟另檄起解

詳蒙本道孔諱胤樾轉請蠲柳看語

看得時當河決百姓有陷溺之苦其派柳築堤爲一勞永逸之計在憲臺軫惜地方至深切也初大名府屬長垣東明各派柳一十一萬五千束念兩邑凋敝之餘物力告殫亦何能膺此重役此士民皇皇所以有呼天而號父母之請也繼蒙憲臺重念民瘼准先解一半數萬蒼生無一不舉手加額頌仰憲臺之厚澤深仁勉編氓之急公趨義疲筋力而鮮怨雖典鬻而不辭據各縣申報業俱解一半如憲諭之下頒矣但念亂離之後民生

實感節年勤儉稍可存活如病中新起之人方且日服
 參苓望其漸進於康和若遽投之以芒黃將見元氣之
 不可復充而舊病之當再劇也倘蒙憲臺垂憐殘邑并
 豁其餘庶二十餘年之休養不至一旦而盡棄兩邑赤
 子免溝壑而登衽席統在憲臺之開恩矣奉 總河羅
 批據詳頭運已經解工其二運柳束如詳免解以寬
 民力

詩歌類

遊莊子觀

唐 裴 迪

好閒早成性來此諧夙諾今日漆園遊還同莊叟樂

前題

唐 胡 曾

青春行役去悠悠一曲汀蒲潦水流正見塗中龜曳尾
 令人特地感莊周

舊東昏城懷古

元 王 暉

聞道東昏卽古儀封人魯此見宣尼空餘百尺琉璃井
 萬古無窮聖澤施

蘭陽道中

劉咸

蘭陽自是東昏邑弔古典懷思若何
津渡平通獅子固野橋橫控馬蹄
河良平已矣遺墳在秦漢淒然舊跡多
撫事含情何處遣白雲山下聽樵歌

戶牖鄉吟

明楊一清

霧鎖天關與地閣祖龍何事改東昏
晴看白日中天在廢壘荒池莫更論

秦臺感懷

楊一清

百尺層臺計亦深向來遺跡竟消沉
東風不管煙雲變

時拂垂楊縱鳥吟

單雄信墓

楊一清

飄泊殘魂土一丘斷碑千古共松揪
寒鳥啼落陵前月疑訴當年汗馬愁

秦臺感懷

明李東陽

祖龍東去欲乘雲雲霧微茫畫不分
漫有神鞭驅海陸尙餘官柳弄朝暉
柔條不禁行人折好曲空令異代聞
見說高臺晴更好一天花絮舞繽紛

南東明集

明劉輔邑人

一望郊原入遠村無人識是舊東昏秋風廢宅叢蛩唧
夜雨橫碑疊蘚痕漢代官民河水逝宋朝市非野烟屯
頽垣荒壘依然在禾黍離離空斷魂

弔齊王塚

明高橡邑侯

齊王芳草鎮林外斜陽紅兔兔逸殘壘螽斯半古宮彩
霞王愷障樛木楚人弓試問當年事荒城起夕風

福典寺題

明石星邑人

宛轉溪橋一逕通上方殿閣鬱龍從白雲紅葉青霄外
疎柳寒塘夕照中六代遺蹤寧寂寂大千世界本空空
無生欲叩禪惆悵何處廬山問遠公

雪後過福典寺

明穆文熙邑人

雪滿千巖一逕分上方鐘磬遠相聞劫灰不改三天界
殘碣猶存六代文鼎繞雙龍常吐霧嶺攢雜樹欲干雲
逢僧說偈何辭晚好借佛燈續暮曛

過南東明廢縣

明董錦邑人

玉輦曾茲過始皇孤城傾廢久星霜空濠半入耕鋤地
古堞平連瓦礫場無復歸鴉棲夜月幾多芳草帶斜陽
山河一統當昭代登眺寧須動感傷

福興寺和穆先輩韻

明袁 葵 邑人

萬千岐路日爲分鐘磬夜沉曉更聞誰向空中尋罔象
我來石上見遺文莊生蝴蝶同蒙國孺子老人總白雲
一爲低回一惆悵蕭蕭古寺夕陽曛

丙午龍起日水月菴觀水

明王潤民 安肅人

縱目憑欄倒綠樽石橋新柳向空門高低烟樹接東岱
深淺迴溪帶遠村岸草青青憐牧踐群鳧泛泛畏人喧
良遊不遜蘭亭跡楊子風流迥可存

看杏花賦得風定花光艷

王潤民

清嘯東郊道環遊叢杏蹊連朝風土惡一夕海天霏霾
淨花含笑梵幽鳥自栖漁人惟重利寒水效鵬鵠柳軟
輕翻浪春和麥驛齊村隅驚僕馬野圃憇山鷄興適仍
招飲詩來末品題歸時人影亂紅樹晚烟迷

過水月菴觀蓮

王潤民

烈焰酷威困署中朝來出郭順天空綠木怒長欣頻雨
翠柳狂翻御野風僧老木魚能伏虎秋深流火憶歸鴻
直西水晶夕陽下晚照扶渠蕩錦紅

喜莊子觀新成寄楊明府

國朝魏 憲

東明縣志 卷之八
偶步青郊外驂騑已肅蹄行行過隴陌隱隱見山谿茅
屋人煙外桃花古路西共傳莊子觀無復道人棲翠律
丹丘古離披碧草迷漆園欣後起東邑勇先提大木千
章擁新椽萬瓦齊飾金輝日月剪綵耀雲霓密塲鳴春
鳥垂楊響早鷗逍遙如昔在柵指得今稽道喜猶龍接
衰寧彼鳳題應知造化理不使性情睽滄海慚爲客廳
廟喜自躋聊爲休夏計欵枕素書攜

石司馬墓

漆水北城外滷涯荒墓存是非憑野考俎豆愧兒孫凜

列杖頭血憂思獄下魂當年心自苦事後更何論

單雄信墓

李賓起

間說將軍墓偶來官舍傍一邱埋綠草小屋對高牆木
主仍題鄭英魂不繫唐前人空有咏此意竟茫茫

莊子垂釣處

國朝劉炤邑人

垂綸人去幾千秋此地空餘碧水流兩岸清風還似線
一溪明月曲如鈎魚吹細浪搖堤柳鷺蹴萍翻漾渡舟
待覓天池知近遠烟波疑是逍遙遊

白雲山晚眺

白雲山色晚來幽此日登臨誇壯遊禾黍蒼茫連萬井
川原繚繞豁雙眸暮烟不斷龍泉遠落日還浮漆水流
自古高人隱勝地於今智勇羨留侯

石司馬墓

國朝吳鵬程邑人

溶溶漆水繞佳城千載高勲表盛名疏効權閱不計死
志清絕塞敢謀生一傳天道留今恨三代民心自古情
指點褒碑說年祐西風憑弔欲沾纓

登尊經閣

國朝董說官邑人

山名巖巒閣竦雲邊此日憑欄疑近天萬里浮雲連海氣
干林曉日破村煙桐陰高拂圖書靜芹浪遙生俎豆妍
猶是趨庭受業日幾回撫景憶當年

三月三日同崔學師集水月菴

國朝李天楓邑人

修禊何人問追隨杖履開桃花滴絳雪柳色蔭青苔月
照菩提鏡塵清般若埃春蘭歌采采感此憶西來

過霸王臺論古二首

李天楓

項羽不是南面人殺降王屠咸陽而炬阿房項羽不是
北面人垓下戰罪曰天亡八千壯士都消滅虞兮虞兮
歌不絕

淮陰烏乎愚未央宮蹠血信固未宜王漢亦少禮節嗚呼烏江不刎信不亡無惑烏盡良弓藏

[Faint bleed-through text from the reverse side of the page]

五霸盟壇題咏

明 陳其猷 邑人

霸圖競相長姬轍既已東抵掌歃血事蕭瑟起悲風

前題

明 穆光胤 邑人

王者久不作霸圖遞為政高壇執牛耳萬國咸欽命日暮草蕭蕭雄心徒自競

前題

明 李民質 邑人

春秋重會盟霸圖亦烈烈崇岡委蔓草尊王義不滅

前題

明 李思孝 邑人

霸圖雖已矣英氣尚森然日暮盟壇上悲風起樹巔

前題

明張尚友邑人

最勝雄圖那足誇中原擾攘實堪嗟而今止剩荒岡在
古樹彫殘棲暮鴉

前題

明楊紹震邑人

霸業何其雄岑寂今如此碧草蔭平沙荒臺抱綠水

前題

國戴元邑人

春秋尚會盟此地傳五霸落日照荒壇牛羊牧其下

前題

國董珩邑人

平原萬里峙高岡云是春秋盟會場一自空壇傳五霸

于今誰復識三王

白雲僊洞題咏

明石星 邑人

芳草萋迷路不分風前牧笛正堪聞
懷深異代採黃石坐久高山足白雲
身世遠看鵝鵠侶行藏漫託鹿麋郡
祇憐遺跡成塵土徙倚危峯念轉殷

前題

明陳其猷 邑人

逐鹿非為漢報韓意自殷脫屣人間事
閒人伴白雲

前題

明穆光胤 邑人

子房真達者功成身即退赤松何處所
白雲日相對應知洞中心不在洞以內

前題

明李民質 邑人

受書師黃石辟穀從赤松至今山洞裏猶有白雲封

前題

明李思孝 邑人

佐漢功已成報韓志亦遂辟穀向此中白雲解幽意

前題

明楊紹震 邑人

力政氓沙丘為韓心事歇歸來伴赤松谷口白雲發

前題

明李騰驥 邑人

昔日留侯大隱成雲棲遺得此山名千秋不散從龍氣
猶作奇峯聳太青

前題

明張尙友 邑人

帷幄功成願已酬歸來却伴赤松遊洞天高臥渾無事
嶺上白雲任去留

前題

朝國袁佑 邑人

報漢託黃綺逃漢託赤松白雲山上下子房其猶龍

前題

朝國董珩 邑人

既辭十萬封封留復辟穀洞外望白雲高風猶在目

前題

朝國景命溥 邑人

漢業全憑借著謀功成忽伴赤松遊祇今辟穀人何處

仙洞白雲歲歲秋

赤水禎符題咏

明 李民質 邑人

勝地起禎符嘉禾兆靈異真人應運生大業光千世

前題

明 張尙友 邑人

白水真人應識生濟陽宮裏赤光明嘉禾瑞氣千年藹
夜夜還匝武父城

前題

明 郭慎獨 邑人

嘉禾秀濟野端不爲年豐真主方潛曜佳祥已兆隆庭
飛天子氣樞繞美人虹赤水毓神物千秋事業崇

荆臺春色題咏

明石星 邑人

荆臺突兀倚雲斜
田氏芳踪代可誇
臨眺好譚當日事
鶴鴒飛上紫荊花

前題

明陳其猷 邑人

剪桐風已薄歌豈德更愆
何似泣荊者春色照萬年

前題

明李思孝 邑人

兄弟既已協枯荊為返榮
至今花上鳥猶作友干聲

前題

明張尙友 邑人

紫荊春色盛年年臺下遙看
意悵然棠棣由來華譚譚

古今何獨羨三田

前題

明李騰驥 邑人

黯澹烟村眺夕曛
荆臺樹色拂春雲
連枝並出紅塵外
千載誰能不挹芬

前題

明張所聞 邑人

和氣軼千古
廢壘實堪嗟
臺畔無人到
紫荆春自花

前題

國朝袁佑 邑人

臺上紫荆花
至今名交讓
何樹不連枝
春色獨相向

前題

國朝段成章 邑人

我讀棠棣詩
不見棠棣人
當春荆華燭
高風應未泯

前題

國朝范允賢 邑人

莫上紫荆臺
莫折紫荆花
曾是三田淚
盈盈帶落霞

前題

吳鵬程

原上荆花不復開
三田環抱有餘哀
一時洒淚血爲雨
四散鶴鴿飛又來

古築久暉題咏
 黃塵漠漠海雲颺斷址殘碑怨夕陽曠望崇臺天地大
 由來草樹自蒼蒼
 前題
 古築歲月深荆棘生臺畔登高成晚眺惟見夕陽亂
 前題
 古戍起何年臺畔空秋草夕陽帶遠林野况悅山鳥
 前題
 荒臺寥落草芊芊土蝕豐碑不計年日暮憑高一睇望

古築久暉題咏

國朝 王潤民 安肅人

黃塵漠漠海雲颺斷址殘碑怨夕陽曠望崇臺天地大由來草樹自蒼蒼

前題

國朝 戴元 邑人

古築歲月深荆棘生臺畔登高成晚眺惟見夕陽亂

前題

國朝 袁佑 邑人

古戍起何年臺畔空秋草夕陽帶遠林野况悅山鳥

前題

國朝 景命溥 邑人

荒臺寥落草芊芊土蝕豐碑不計年日暮憑高一睇望

平疇古樹起寒烟

龍光聳翠題咏

明 陳其猷 邑人

地非行岱險山擁林阜清時見赤龍起爲霖慰蒼生

前題

明 穆光胤 邑人

數峰宛轉映朝暉小步高巖倚翠微霧鎖未應窺豹隱
雲來曾說見龍歸秋風岡上人同臥夜雨津頭劍不飛
神物光芒今古在葉公空自好還非

前題

明 李民質 邑人

神龍飛向天霖雨沛下土隱跡蟠山中靈光照萬古

前題

明 閻希魯 邑人

山勢迢迢起蜿蜒若蟠龍翠色迎旭日長虹在其東

前題

明楊紹震 邑人

僊娥馭雨工昭澤著靈異霽日走烟雲遠山凝翡翠

前題

明李騰驥 邑人

幾度看山着履來龍光山色翠微開風雲若遇神龍會
願作甘霖遍九垓

前題

明張尚友 邑人

縹緲雲山一徑斜赤光遙映野人家雷鳴不用陶梭掛
瞬息春迴草樹華

高閣凌空題咏

明石星 邑人

峻層峻閣俯費官四野蒼茫入望中檻外寒飛炎夏雪
尊前香度紫芹風天空白日長懸照雲斷青山雨鬪雄
制作如君真不偶無窮班史說文翁

前題

石星

飛閣嶙峋倚碧岑芳辰攬勝此登臨三春桃柳舒青眼
八面風雲感壯心檻外丹霞光璨璨望中古栢影森森
宮牆遙仰還今古幾度凭欄寄慨深 其二

前題

明穆文熙 邑人

東陽縣志 卷之八下
做讌高樓酒漫斟西風蕭颯正秋深紛披木葉悲殘景
突兀風雲感壯心斗外晴光霞閃閃樞中寒色月沉沉
巡欄更欲耽清賞何處哀鴻度遠岑

前題

明陳其猷 邑人

危樓插碧漢側身傍星斗那用燃青藜光照讀書久

前題

明穆光胤 邑人

燦爛六經文昭垂同日月傑閣起中天文光時煥發春
風芹藻香講席應不歇

前題

明李民質 邑人

危樓百尺雄突兀官墻畔多士乘風雲彩筆凌霄漢

前題

明李思孝 邑人

閣以尊經名何如漢天祿應有太乙精然藜照宵讀

前題

明楊光啟 邑人

危樓插碧漢吟眺自徘徊山色凭軒外河聲拂檻來雲
叢足可躡閭闔叫應開把酒邀明月王孫賦懶裁

前題

明楊紹震 邑人

高閣勢峻嶒六經光繚繞開窓星斗平俯檻乾坤小

前題

明李勝驥 邑人

飛閣岩堯結蜃成橫經暇日眺吟清拂檻恒漳開遠色
遙連紫氣滿春城

前題

明張尚友 邑人

飛閣峻嶒冲斗牛五雲縹緲賽瀛洲漆園自是家絃誦
不數昭明文選樓

前題

朝國段成章 邑人

高閣百尺迥峻嶒薄雲漢斯文今在茲光華儼復旦

長堤烟柳題咏

明穆光胤 邑人

翠陰擁飛濤絕似廣陵秋誰能同漁父烟雨傍孤舟

前題

朝國盧毓粹 邑人

萬柳參差兩岸陰朝烟暮靄自沉沉遊人倚徙看漁父
解纜隄邊一放吟

前題

朝國梁秀 邑人

莫莫大河邊曉霞與暮烟長廊隨處有何地不仙仙

前題

朝國梁庭 邑人

烟鎖長堤柳色微露花雲片共依依登臨此際堪忘倦

翠自滴兮蔭自肥

前題

國朝董珩邑人

堤勢蜿蜒千里來無邊翠柳傍隄栽春風幸值河清日
水色烟光一望開

前題

國朝景命溥邑人

黃河曲岸控長隄綠柳森森望欲迷無限烟光籠翠色
春深一路曉鶯啼

前題

國朝段成章邑人

河決煩宵旰大隄創者誰坐柳嘆長策應使水宮知

前題

國朝袁佑邑人

萬柳覆隄垂濯濯含新雨風起蕩春烟隔岸蛟龍語

黃河驚濤題咏

明 陳其猷 邑人

長空掀雪浪天際捲秋雲獨有仙槎客泛搖星斗文

前題

明 穆光胤 邑人

朝出崑崙頂久走大梁城劃然

似天漢滔滔萬古情安得彭咸壽爲爾俟澄清

前題

明 張尙友 邑人

九折由來自天上波濤映日影翩翩舳舻不斷歌喉响

秉典時看藥玉船

前題

國朝 戴元 邑人

巨浪湧天光奔流蔽日色風波無定時深險不可測

前題

國朝袁佑 邑人

黃河過孟津濤聲驚千里濱河望安瀾歲歲桃花水

前題

國朝梁秀 邑人

大川逾梁雍天矯若龍形浪翻無信晷畏神比雷寔

前題

國朝段成章 邑人

萬里下崑崙風濤鳴九曲惟願水時澄民力今不足

漆園吏隱題咏

明區大相 古越人

傲吏戰國士著書漆園裏遭時厭有為乘運觀無始禮
樂嘲魯儒垂釣謝楚使托跡方外民希心柱下史

前題

明李騰驥 邑人

魯寄逍遙物外情遽然化蝶有餘清風塵不到莊生夢
浪得人間傲吏名

前題

明張尙友 邑人

觀宇蕭條半已墮人傳傲吏莊周臺臺前蝴蝶翩翩舞
疑向當年夢裏來

前題

明陳其猷 邑人

南華逍遙叟寄傲漆園居不知簿書苦一夢總蘧蘧

前題

國盧毓粹 邑人

夢蝶觀魚物外身微官偶寄漆河濱無為莫謂非儒化
漢代蓋公治自醇

前題

國戴元 邑人

莊子吏漆園無為稱不擾至今千百年清風尚表表

前題

國梁秀 邑人

民社雖勉應栩栩蝶本自然飄飄仙子意但看南華篇

前題

國袁佑 邑人

不識莊周宅空飛雁鶩群草深碑蓋井塔短樹干雲官
路盛秋水神堂閣久暉行人經過處猶誦馬蹄文

魚窩垂綸題咏

明 陳其猷 邑人

烝烝魚躍處必有化龍鱗不是無心者披裘垂釣綸

前題

明 穆光胤 邑人

野水蕩秋空嘉魚時潏潏日夕坐垂綸風動蘆花月得

魚及早歸恐煩後車轍

前題

明 李民質 邑人

飛熊夢未覺魚窩隱真人釣磯隨處有何必說富春

前題

明 李思孝 邑人

潭水何停泓潛魚不可見垂綸待時清豈為臨淵羨

前題

明楊紹震 邑人

八百成周業都來一釣鉤東昏與渭水遺跡至今留

前題

明張尚友 邑人

黃鉞白旄未遇周把竿閒釣古溪頭自從兆入飛熊夢
獨有波瀾萬古流

前題

明李騰驥 邑人

古木荒原世代疎非熊勝蹟已成墟臨流想像經綸手
垂餌雖工不為魚

前題

國朝袁佑 邑人

無心自投竿豈有後車約魚能忘我機我亦知魚樂

前題

國朝梁秀 邑人

魚窩非龍潭龍或箇裏盤等閒逢燒尾無事理綸竿

前題

國朝范允賢 邑人

未為王者師此地且垂綸一線知多少釣來八百春

前題

國朝吳鵬程 邑人

野烟綠樹白沙東碧水溶溶垂釣翁數尺遊絲為舊業
一杆長竹是元功非關芳餌貪鱸膾只愛清流玩彪熊
一自蒲輪應卜夢鷹揚萬里看飛翀

前題

黃髮皤皤蘊蓄優潛懷韜畧碧溪頭欲為明聖調元化
肯向腥聞污遠猷暫着浮槎供挽釣隨添木檻替登舟
遊絲數尺一竿竹已立周朝八百秋

二賢勝境題咏

明石星 邑人

文章華國孝且家遺跡猶存漆水涯古木森森搖玉珮
崇岡隱隱滾蘆花

前題

明陳其猷 邑人

先哲祠堂古桐梓蔭立封孝親與華國瞻拜仰高蹤

前題

明穆光胤 邑人

閔子稱大孝公西能華國千載有遺靈春秋并血食崇
岡栢森森還疑見顏色

前題

明李民質 邑人

古栢何鬱鬱二賢祀其傍春秋雖邈矣吾道終不亾

前題

明李思孝 邑人

子華志小相子騫辭費宰芳軌若二趨高風並千載

前題

明李騰驥 邑人

被蘆獨羨子單衣章甫為邦世亦希千古林巒多氣色

一時俎豆有光輝

前題

明張尚友 邑人

兩哲芳名垂宇宙千年遺跡寄東昏祠前剩有梧桐樹

風雨蕭蕭可斷魂

秋日謁二賢祠

國儲元升 宜興人

洙泗同堂侍講筵千秋遺澤其流傳單寒兩語孚親志

小相三言契聖詮孝行推崇人莫間文為擅美孰爭先

廟廷若擬增從祀應躋公西並閔賢

雨霽新涼恰仲秋西郊祇謁仰前修使齊不愧能專對

宰費寧甘作遠遊東帶公朝虛願望解銜私室免愆尤

世間榮祿須臾事芳躅何如萬古留

謁二賢祠

國吳鵬程 邑人

溶溶漆水水西涯曾謁靈祠靜不譁久立恍聞搖玉珮

東明縣志 卷之八下 又六十九
乍看真見滾蘆花重門疊嶂砌芳草古木踈藤宿晚鴉
覽勝未終行止意樹籠隱隱兩賢家

校射篇爲徐邑侯賦

有小引

明 穆文熙 邑人

東明古河朔南界故多騎射久之習於治平人鮮知
兵以致寇盜繁滋時爲民患邑侯徐君思爲備禦之
術每數日臨武場教各役以射而縣金以課殿最用
是盜賊聞風驚遁境絕拾遺侯意甚得以爲行射之
效而自射與督人射愈益急余與石公竊嘆曰侯之
見遠矣昔有齊氏馳逐重射其法以我上駟與彼中
駟以我中駟與彼下駟一不勝而再勝遂致千金故
能抗秦拒楚摧韓蹶魏顯功於馬陵下強伯之業表

於東海何其盛與此侯校射於今日之微意也其效
顧止於弭茲小盜已耶

令君好文兼好武暇日相邀來射圃平沙百步錦標張
將壇高處列旗鼓壯士人人具囊韃比耦當場皆鼓舞
弓彎眼底開明月矢發耳畔驚風雨已看命中巧穿楊
更誇破的力如虎令君睹此生踴躍囊中亦自出弓弩
把弓顧向吾曹道古來文武原同調騶虞狸首事空傳
會當與爾同一校愚生多病不穿札藉口當陽堪自笑
石子魁奇遽挽強一發巧力卽兼到憶昨校射自初秋

三冬已盡春風柔弧矢操來漸愈精貫虱真看似貫牛
南山射虎多没羽樹下啼猿足養由我思古人不忘戰
千金枚射非無見河中見說請弓人天策弩矢長誇炫
卽今中原無走鹿黃沙萬里絕傳箭金甲只知事春農
鳩毒那解藏遊宴兩石開來輪一丁蒲且不聞誰讚善
君乎君乎見何高白羽一揮境烟消他時建牙遙分虎
誰傍陰山更射鵬

題明民戀別圖爲黃別駕賦有小明穆文熙邑人

別駕黃君

諱

署吾明僅三月以新令至還郡邑父老

數百人送之遠郊遮馬足不能行已又繪戀別圖共
丐余題詞其上余惟桃李不言下自成蹊又曰械虎
阱狼民乃其康君性樸直乃特加意於去惡其爲康
民無旣矣民之思之曷容已乎乃爲賦詩如左

別駕來時歲暮天獵獵寒風雪滿川別駕去時夏已半
綠樹陰陰草蔓蔓一車迢迢行漸遠父老攀留白日晚
兩袖清風何灑灑當年循吏誰高下虎無跡兮豺不行
聲價何如黃次卿鄉人更有楊伯起千載高名不負矣

過東明懷舊令楊筠澹道長

國余朝 縉

昔年風雨話聯床曾聽揮絃治策長桑雉火瞻烏府柏
枳鸞今芾召公棠千村秀色町畦綠一道芳華李杏秀
詢俗聊從耕牧語并州應是使君鄉

連登橋

國丁朝 璟

昔歲登臨一望洋于家躑躅苦寒裳官能利涉謳歌起
民樂安瀾筋力忘夏雨荷香清暑氣秋風萍轉動波光
唐人橋落雙虹句宛在城隅水一方

重遊漆園二首

楊素蘊

重過漆園歲月殘逢人馬上問平安莫嫌囊底無長物

東明縣志 卷之八
贏得兒童夾道看

七載艱辛記此城
曾將版築費經營
舊栽楊柳三千樹
解把枝條向我迎

東明雜感

憶穆考功
石司馬也

國朝 郅煥元

當時詞客此城中
穆石文章一代雄
不信全軍張薊北
曾傳幼婦歷江東
老臣自愛山中篋
烈士嘗懷大海風
土蝕豐碑何處問
幾回搔首矚來鴻

贈朱耐亭父師

國朝 黃軒臣 石城人

使君家近貯金臺
小試分符羨茂才
山郭十年承咳唾
花封滿縣借滋培
風吹墨綬青鳧遠
月映瑤琴白鶴來
澤沛西江雙水濶
恩流南浦萬頃開
歌幾處聲相接
桃李千家手自栽
已有冰壺資博物
貯將美錦出新裁
九霄應待鳳凰集
百里終非騏驥材
殊擢會看榮粉署
上林早晚聽鶯催

贈少春穆員外

明王世貞
太倉人

穆生不惜王家醴却惜申公困胥靡自言一寸已許人
七尺何妨爲人死閭闔白晝風雲寒解衣爲掩血肉殘
卽賣修行里中第還懸神武門頭冠手挽柴車出西郭
朝煮舖糜夕湯藥已拚同日效左儒差比空山勝羊角
濁漳河邊逢石郎哽咽爲我談行藏此身係穆不係石
欲報滄海恩難量君不讀西京遊俠篇東京黨錮傳若
曹名使那足羨男子酬心不爲君北風立洗青天面

爲袁河汭先生賦

國朝孫奇逢
容城人

夏明縣志 卷之八下
俎豆人稱食報豐維桑端不媿花封芾棠尚憶攀留日
宅里猶傳清白風異代藻蘋昭定論當時出處仰宗工
象賢自是克家者永慕頻懷落照中

前題

國朝 徐元文 崑山人

漢室嗣三公陽平甲第崇文章光世業道德裕壽躬兩
剖西州竹一彈東海桐秋懸花署月春拂麥郊風儒術
尊師表官方峻岳嵩梓邦銘篆綠棠樹淚凝紅俎豆今
時古歌思異地同聲名垂舊宇盼蠻爰新宮濟美欣佳
胤承茲祀典隆

貞淑咏輓楊母吳氏

有序

明 靳星煥 邑人

貞淑者本吳姓已故孝廉楊公光休妻楊君紹震母
也貞淑爲婦孝楊公早逝欲相從于泉臺以玉子而
繼前馨故不果而服素事親零淚垂訓備歷人間酸
苦勁節霜清吾邑人所共服畫荻時每提以明發故
伯子鶚薦騰驤仲若叔亦採芹玉立且諸孫彬彬蔚
列皆貞淑式穀所貽也栢操孤孀經寒暑三十有五
真足以興起爲婦者邑侯常公扁天植貞淑云
漆濱冉侮風上橫一輪月皓色映珀松千秋常不滅龍

東明縣志 卷之八下
山翠減鶴飄空天光豈使碧雲龐長涕玉筍落紅雨何
難青髮隨黃土爲念高堂白髮親未將玉質散香塵奉
靈椿撫諸子蘭房蕭冷陰如水清宵風細霜華白涼夜
寒生燈焰紫勤劬起早與眠遲秋波澄鮮山不移仇方
曲盡三遷教日永藍池長玉芝鴻雁雙鳴圖書府北斗
文明成繡虎蟾室輕攀桂色新泮瀾笑取芹香吐銀漢
高懸瑞露多雲庭寶樹飛婆娑藹藹槐陰垂畫簾西堂
復聽竹枝歌如何云貞淑貞淑自天植清逸韻長蓮飛
絮羞顏色金薤玄苓食者稀雪積幾見草菲菲惟有吳
江孤月影綠烟不染啟清輝

輓景節婦盧氏歌行

明楊紹震 邑人

一夜素鸞飛百尺爐烟縹緲降掌書仙憑霞離漢表生
來雅致袖卿雲檻前鳥雀亦無聞夙諳閨門禮常挹烈
女芬喬水卜鳳鳴驢輅從此幽蓮香綺戶風中澣服髻
霑霜月下調美指戴露色孝椿萱藿意清龕衣椎髮度
浮生細縷急催秋夜雨新茶頻喚夏宵明賚夫養就扶
桑矢行看談笑拖青紫芙蓉金闕正需賢玉樓霓嘯乘
箕使淚洒商風血幾行銀刀碎碎挫肝腸愁鎖咽喉難

東明縣志 卷之八下
入水憂結數次暗懸樑權從母命非怯死爲念二親與
三子酸辛慘淡氣淒淒冷落孤闈月向西星辰長問寢高
堂早白髮粲粲人易老不敢肩皺向翁姑提携孺穉傷
懷抱竹舍蕭條日似年雙金繼去有誰憐丹楓紅雨豐
列鼎遠馥菊英慰九原君不見畫荻垂芳照萬古課子
心醉圖書府豹昆濡硯勢游龍雁友行文成繡虎又不
見臧孫有後繼鉢衣萱葉半吐杏花飛燕山丹桂隨風
起魏水青芹接曙輝高車馳麟麟槐蔭披靄靄蘭芽叢
萬映壁光白虹紫電生奇彩環雲輕集瑞珈色厚凝霜

瑤扁一賜傳梓里羞殺春融柳絮狂古栢堅長松茂漆
濱幾點梅花瘦碧天不改翰墨新寒蘆永振千年秀

輓劉太孺人郭氏詩

明 楊紹震 邑人

漆園孤月啟清輝夜照龍光滅翠微戴雪含頻霜作袖
迎風洒淚血沾衣西山晚鶴隨風去北海祥麟夾日飛
千載仇芳今再見香名須信透重幃

輓李節婦陳氏歌行

明 辛廣恩 邑人

五岳鍾爲奇男子天亦愛才速之死玉樓一賦仙才空
長吉老去胡能爾澶淵南下古東明星應西庚仍在李

二十四絃一一彈風雨凄清斷流水紫鴛驚叫翼初舒
掌上明珠護寒泚夢迴雙影上高堂鸞鏡清輝泣花蕊
月底孤根挿桂窟上承宗祀下繁祉玉樹班衣壽母前
孫枝已應庭槐起阿母簷前看放生七十九載隨佛喜
一朝功滿還天人地下相從胡不羨泉下水稜草木香
一雙合璧寒清泚四年比翼水中漚六十一瞬同連理
黃河徒岸不徙天空飛明鏡懸青史

輓景節婦劉氏歌行

國朝常時秦 澶淵人

漆園稱大椿不及貞松姿椿期應有盡松壽無窮昔景
母植中庭迄今雨露滋亭亭峙高節蒼蒼傳令儀哀彼
桃李枝紛然一夕萎百里風聲徧千秋斧禕師教澤兼
福報名門盛禮詩以此光邑乘於歟日星垂鄉鄰慕惠
義恭爲綴一詞

又

國朝安九埏 澶淵人

景節婦昔所有今所無年未三十夫已殂上有白髮垂
垂翁與姑下有黃口呱呱之弱雛絕粒欲殉夫姑命止
之忍死撫其孤晝晝荻夜辟纒空庭寒月聽啼鳥四十
餘年皎如清霜白日照冰壺啣辛茹楚嗟卒瘡子兮成

名孫大儒皇天報之華且騰君不見共姜兩髦貞苦節
孟母三遷垂令模蘭陽子婦與齊驅願將彤管村董孤
又
白雲山下白鳳飛孤鸞慘澹夜哀啼將雛日食青琅玕
五色雲霄覽德輝足亂浮雲振式微阿母從容刷翰羽
長嘯丹穴同所歸

題李母崔太孺人節孝

國朝井其演
隆卒論
文安人

轟轟山上石青青石上松托根既以異真幹凌蒼穹不
隨春色榮肯隨秋風靡雁去秋來一歲至參天勁節常

賦董母梁孺人旌表崇祀節孝

國朝李雄光
邑人

節廉忠孝家聲舊定有貞操壺內傳齧指銘心拋血淚
奉甘代子慰黃泉婁遵邱嫂催機杼叔畏嚴師課簡編
正氣不磨終化石 思榮旌祀永千年

長嫂梁孺人旌表崇祀節孝紀恩

董說官
邑人

苦節凌霜幽隧寒忽聞天語下雲端絲綸共荷堯言重
俎豆欣逢漢典寬事表一時洵不偶祀垂千禩始稱難
皇恩浩蕩靡堪報稽首傾心無佞歡

彭孺人崇祀節孝

國朝程允仁
長洲人

節孝世希有况尋閨閣中盟心如皎日載髮對春風屢
判留賓薦時九課子熊 聖朝崇祀典芳躅許誰同

紀戴母貞烈

國朝趙國麟大名道
太安人

我任天雄好探竒每逢節烈必誌之京畿浩蕩千餘里
聖化南洽漆水涯漆水戴母真苦節皎如瑤池古冰雪
堅如蒼松經歲寒貞如青筠剛如鐵廿五紅顏違夫子
兒女在襁寡依倚慟哭淋漓血逆流觸棺臨穴誓一死
輾轉忍死復爲夫煢煢誰可存遺孤篝燈寒夜四壁內
紡績聲與書聲俱饑荒離亂甘貧窶爲子也母復爲父

如此吁嗟乎李母之操無乃是結髮事良人夙夜奉姑
嫜燦燦紅羅繡上結雙鴛鴦殷勤不惜理蘋藻此生自
分能偕老人事從來錯迕多連理權殘何太早上有垂
白親下有呱呱子嗟哉夫子心九原應不死夫君死兮
何能生夫心不死何敢死朝供菽水暮和丸饑饉洊臻
甘糠粃水患剽竊識幾先遠患愁聞綠樹鷓月冷霜寒
心最苦永矢清白慰所天憶自當年相永訣獨有託孤
言更切迄今令子已高攀 鳳詔旌閨年未耆赭然顏
上丹猶是盈盈雙眼血皜然心上冰飛作蕭蕭雙鬢雪

東陽縣志 卷之八下
三春桃李俱爭妍後凋唯有貞松節吁嗟乎石可泐松
可折李母節孝之名不可滅

又

國朝劉炯邑人

關關池上鶩比翼恒相守飛飛雲中鴻失群更不偶胡
爲桃始華三春成陽九豈惜一捐軀北堂念黃耆况有
藐孤存宗嗣責良厚忍死留餘生辟纊躬井臼珍羞奉
鬢年餽粥充乳口斷機孟孺人和九公權母成茲玉樹
良才名傾八斗暫分槐市榮行醉曲江酒節孝動九
重綸音下里右寶婺吐青輝二曜同不朽

和九公綽心何切畫荻歐陽意良苦子從予遊重宮
巋哉節婦立綱常 綸音輝煌照萬里千古誰不欽
姜我思天地何以長不毀所恃維持惟節義世間亦有
竹扉之皎潔亦有燕門之貞摯淒涼白屋多遺棄非子
也純孝使節操聞於天胡能致此旌表異吁嗟乎爲
母苦節難爲子純孝益不易

附題邑十二景絕句

康熙丁亥續刊

真定府通判
時攝縣事

范弘通

長白人

五伯盟壇

當年伯業竟誰存
日落遺壇鳥雀喧
欲問哀周典廢事
空餘荒阜列平原

白雲仙洞

傑士由來亦愛身
一朝謝病獨全真
只今仙洞雲空鎖
不見當時辟穀人

赤水禳符

舊是東昏近濟陽只今遺址亦茫茫
嘉禾瑞應開東漢
誕降相傳有赤光

荆臺春色

高臺隱隱覆千紅
賸有荆花紫數叢
寄語田家苗裔道
莫教華萼笑春風

古築夕暉

蕭蕭古木傍荒臺
日落平原返照來
昔日經營何處去
至今烟草令人哀

龍光聳翠

危巒遠近碧嵯峨
宿雨含雲委邃多
晚霽亂鴉啼不散
深林隱隱聽樵歌

高閣凌空

峻嶒畫閣聳青霄
繞郭烟雲四望遙
檻外奎光文象接
菁莪應自蔚熙朝

長堤烟柳

一片晚風掀綠浪
半空朝雨蔚青霞
誰言河畔萬株柳
不及隋堤千樹花

黃河驚濤

東陽縣志 卷之八
龍門萬古瀉狂瀾地軸崩騰天柱寒河伯只今方遠馭
秋風猶見湧驚湍

漆園吏隱

吏隱風流致可嘉漆園嘯傲足烟霞祇今遺蹟空千古
始信當年蝶夢賒

魚窩垂綸

千古烟霞一釣磯玉璜曾此應熊羆於今秋月寒清渭
猶見魚窩憶帝師

二賢勝境

華國風流並孝傳千秋才德重名賢空祠日落松常古
雙塚春來草又鮮

